

ხელშეკრულება № _____

სახელმწიფო შესყიდვის შესახებ

ქ. თბილისი

“_____” _____ 2019 წ.

შემსყიდველი: საქართველოს განათლებისა და მეცნიერების სამინისტრო, წარმოდგენილი ეკონომიკური დეპარტამენტის უფროსის მარიამ ტაბატაძის სახით.

მისამართი: ქ. თბილისი, დ. უზნაძის ქ. №52; ტელ.: 2200220

საბანკო რეკვიზიტები:

სახელმწიფო ხაზინა, კოდი: TRESGE22;

ა/ა GE24NB0330100200165022;

საიდენტიფიკაციო კოდი 202051224;

მიმწოდებელი: ----- წარმოდგენილი ----- სახით,

მისამართი: -----

საბანკო რეკვიზიტები:

ს/ს ,----- ბანკი“; კოდი: -

ანგ. -----

საიდენტიფიკაციო კოდი -----

„სახელმწიფო შესყიდვების შესახებ“ საქართველოს კანონის და NAT----- ელექტრონული ტენდერის შედეგების საფუძველზე მხარეები წინამდებარე ხელშეკრულებას დებენ შემდეგზე:

1. ხელშეკრულებაში გამოყენებულ ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.

1.6 „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი და კლასიფიკატორის კოდი

2.1 ხელშეკრულების საგანია საქართველოს განათლებისა და მეცნიერების სამინისტროს მიერ 2018-2019 აკადემიური წლის მდგომარეობით მე-10 და მე-11 კლასების 150 მოსწავლისათვის სამეცნიერო საზაფხულო სკოლის მოწყობის მომსახურების შესყიდვა საქართველოში (CPV80400000).

2.2 გასაწევი მომსახურების აღწერილობა (პირობები) განისაზღვრება ზემოაღნიშნულ ტენდერში მიმწოდებლის მიერ წარმოდგენილი დოკუმენტაციის შესაბამისად, რომელიც წარმოადგენს წინამდებარე ხელშეკრულების განუყოფელ ნაწილს (დანართი 1).

3. ხელშეკრულების ჯამური ღირებულება

3.1 ხელშეკრულების საერთო ღირებულება შეადგენს ----- ლარს.

3.2 გასაწევი მომსახურების ერთეულის ფასები მოცემულია ფასების ცხრილში:

№	აქტივობის დასახელება	განზომილება	ერთეულის რაოდენობა	ერთეულის ფასი	სულ ფასი
1	სამუშაო და სასწავლო მასალები	პაკეტი	1		
2	მოსწავლეების კვებისა და ღამისთევის ხარჯი	მოსწავლე /ნაკადი	75/2		
3	საზაფხულო პერსონალის კვებისა და ღამისთევის ხარჯი	მონაწილე/ნაკადი	12/2		
4	მანდატურების კვებისა და ღამისთევის ხარჯი	მანდატური/ნაკადი	2/2		
5	მოსწავლეთა ტრანსპორტირების ხარჯი	მოსწავლე/2 მიმართულება	75/2		
6	მასწავლებლების შრომის ანაზღაურების ხარჯი	მასწავლებელი/ნაკადი	5/2		
7	ჯგუფის ლიდერების შრომის ანაზღაურების ხარჯი	ლიდერი/ნაკადი	5/2		
8	საზაფხულო სკოლის უფროსი მასწავლებლის შრომის ანაზღაურების ხარჯი	უფროსი მასწავლებელი/ნაკადი	1/2		
9	საზაფხულო სკოლის ადმინისტრაციული ასისტენტის შრომის ანაზღაურების ხარჯი	ადმინისტრაციული ასისტენტი/ნაკადი	1/2		
10	კვების (ლოგოთი) შესყიდვის ხარჯი	მოსწავლე/ნაკადი	75/2		
11	მოსწავლეთა სერტიფიკატების ხარჯი	მოსწავლე/ნაკადი	75/2		
12	ექსკურსიების ხარჯი (მინიმუმ 2 თითო ნაკადზე)	ექსკურსია/ნაკადი	2/2		
13	პირველადი სამედიცინო დახმარების ნივთები	ნაკადი	2		
14	მონაწილეთა სამოგზაურო დაზღვევა	მოსწავლე/ნაკადი	75/2		
15	დღის მეორე ნახევრის სპორტული, სახელოვნებო და შემეცნებით-გასართობი აქტივობების ხარჯი	მოსწავლე/ნაკადი	75/2		

3.3 ხელშეკრულების ჯამური ღირებულება მოიცავს შემსრულებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. მომსახურების მიწოდების წესი და პირობები:

4.1 მიმწოდებელმა უნდა უზრუნველყოს „დავისვენოთ და ვისწავლოთ“ პროგრამის ფარგლებში სამეცნიერო საზაფხულო სკოლის მოწყობის განხორციელება. კერძოდ:

სამეცნიერო საზაფხულო სკოლა საქართველოში - საქართველოს ზოგადსაგანმანათლებლო სკოლების 2017-2018 აკადემიური წლის მდგომარეობით მე-10, მე-11 კლასის 150 მოსწავლისათვის (შემსყიდველის მიერ მიწოდებული ინფორმაციის საფუძველზე), 2 კვირიანი საზაფხულო სკოლის მოწყობა საქართველოში. საზაფხულო სკოლა ჩატარდება 2 ნაკადად. თითოეულ ნაკადში მონაწილეობას მიიღებს 75 მოსწავლე.

შენიშვნა: საქართველოს განათლებისა და მეცნიერების სამინისტროს მიერ სამეცნიერო საზაფხულო სკოლის მოსწავლეები შერჩეული არიან ეროვნული სასწავლო გეგმებით გათვალისწინებული საგნებიდან (ინფორმაციულ - საკომუნიკაციო ტექნოლოგიები, მათემატიკა და საბუნებისმეტყველო მეცნიერებები (ფიზიკა, ქიმია, ბიოლოგია).

4.2 „სამეცნიერო საზაფხულო სკოლა საქართველოში“ განხორციელებისათვის მიმწოდებელმა ორგანიზაციამ უნდა უზრუნველყოს შემდეგი ღონისძიებების გატარება:

პროგრამის განსახორციელებლად საქართველოს განათლების, მეცნიერების, კულტურისა და სპორტის სამინისტროს მიერ ტენდერის გზით შერჩეული ორგანიზაცია მოამზადებს არანაკლებ 15-მდე მასწავლებელსა და ჯგუფის ლიდერს (აქედან იქნება 5 მასწავლებელი და 5 ჯგუფის ლიდერი, დანარჩენი 5 იქნება სარეზერვო ჯგუფში). მასწავლებელთა და ჯგუფის ლიდერთა აღნიშნული რაოდენობა განაწილდება შემდეგი პროპორციით: 1 მასწავლებელი და 1 ჯგუფის ლიდერი მოემსახურება 15 მოსწავლეს. ამასთან, სკოლას უნდა ყავდეს 1 უფროსი მასწავლებელი და 1 ადმინისტრაციული ასისტენტი.

პროგრამის განმახორციელებელმა ორგანიზაციამ უნდა უზრუნველყოს წინასწარ შერჩეული მასწავლებლებისა და ჯგუფის ლიდერების ტრენინგი/ინსტრუქტაჟი 3 დღით ადრე, საზაფხულო სკოლის დაწყებამდე.

განთავსების ადგილზე მოსწავლეთა უსაფრთხოებაზე იზრუნებს სსიპ საგანმანათლებლო დაწესებულების მანდატურის სამსახური (თითო ნაკადზე- 2 მანდატური).

4.3 ინფრასტრუქტურა და ტექნიკური უზრუნველყოფა

ა) „სამეცნიერო საზაფხულო სკოლა საქართველოში“ შერჩეული მონაწილეების ტრანსპორტირებას ავტობუსით/მიკროავტობუსით რაიონული ცენტრებიდან საზაფხულო ბაზის მიმართულებით და დასრულებისას (უკან) ისევ რაიონულ ცენტრებში მოახდენს მიმწოდებელი ორგანიზაცია.

მიმწოდებლის მიერ მგზავრთა გადაადგილებისათვის საჭირო სატრანსპორტო საშუალებები უნდა იყოს კომფორტული, დასუფთავებული, ტექნიკურად გამართულ (მუშა) მდგომარეობაში. ასევე, მგზავრთა გადაადგილებისათვის საჭირო სატრანსპორტო საშუალებები აღჭურვილი უნდა იყოს გათბობა/გაგრილებისა და ვენტილაციისათვის საჭირო სისტემით.

ბ) საზაფხულო სკოლის ბაზის შერჩევისას გათვალისწინებული უნდა იქნეს უსაფრთხო გარემო, დაცვის მექანიზმი, გადაუდებელი სასწრაფო დახმარების ხელმისაწვდომობა, დაცული უნდა იყოს სახანძრო უსაფრთხოების ნორმები და აკადემიური და არაკადემიური (რომელიც მოიცავს სპორტულ, სახელოვნებო აქტივობებს და შემეცნებით - გასართობ ღონისძიებებს დღის მეორე ნახევარში) პროგრამების განხორციელებისათვის აუცილებელი ინფრასტრუქტურის არსებობა.

გ) სკოლის ბაზა უზრუნველყოფილი უნდა იყოს საკლასო ოთახებით (თითოეულ საკლასო ოთახში უნდა მოთავსდეს არაუმეტეს 15 მოსწავლე). საზაფხულო სკოლის ბაზა უზრუნველყოფილი უნდა იყოს მსუბუქი სპორტული ინვენტარით, საჭირო საკანცელარიო საქონლით, შესაბამისი ტექნიკური საშუალებებითა და პირველადი სამედიცინო დახმარების ნივთებით. წინამდებარე აქტივობა ითვალისწინებს მოსწავლეთა სამედიცინო დაზღვევას (სამოგზაურო დაზღვევას). საზაფხულო სკოლის ბაზა უნდა აკმაყოფილებდეს ჰიგიენური ნორმებს.

დ) საძინებელ ოთახში თითოეული ბავშვისთვის გათვალისწინებული უნდა იყოს შესაბამისი თავისუფალი სივრცე, რომელიც იქნება უზრუნველყოფილი პირადი ნივთების განთავსების საშუალებით; ყოველი პირი, რომელიც ღამეს ათევს ბაზაზე, უზრუნველყოფილი უნდა იყოს საკუთარი საწოლით; სველი წერტილი უნდა იყოს შენობაში; აუცილებელია გათვალისწინებული იყოს გოგონების და ვაჟების განთავსება ცალ-ცალკე ოთახებში.

4.4 მოსწავლეები უზრუნველყოფილი უნდა იყვნენ მრავალფეროვანი, დაბალანსებული კვების რაციონით, დღეში სამჯერ + დესერტი (დღეში ერთხელ). აუცილებელია საკვები, რომელიც შეიცავს: ცილას (რომელიც მოიპოვება ხორციში, ფრინველებში, ზღვის პროდუქტებში, კვერცხში, ლობიოში, თხილში და რძის პროდუქტებში); ნახშირწყლებს (ხილი, ბოსტნეული, გადაუმუშავებელი მარცვლეული); ვიტამინებს (რომელიც მოიპოვება ხილში, ბოსტნეულში და მინერალებში (კალციუმი, რძის პროდუქტები); ცხიმს (ხორცი, ყველი, თხილი, ზეთი, კარაქი).

4.5 საზაფხულო სკოლის ადმინისტრაციამ უნდა შეიმუშაოს შინაგანაწესი, რომლის დაცვაც სავალდებულო იქნება საზაფხულო სკოლის მონაწილეობისთვის. საზაფხულო სკოლის თითოეულ მოსწავლეს უნდა დაურიგდეს ქუდი (კეპი ლოგოთი). განმახორციელებელი ორგანიზაციის მიერ წარმოდგენილი ლოგოიანი ქუდის (კეპი) ფორმა უნდა იყოს შეთანხმებული საქართველოს განათლების და მეცნიერების სამინისტროსთან.

4.6 მიმწოდებელმა ორგანიზაციამ მოსწავლეებს უნდა შესთავაზოს დღის მეორე ნახევრის აქტივობები. დღის მეორე ნახევრის აქტივობა უნდა განხორციელდეს დღეში ორჯერ მაინც. (მაგალითად სპორტი და სახელოვნებო აქტივობა), ხოლო ნაკადის განმავლობაში ექსკურსია, მინიმუმ 2 ჯერ მაინც.

4.7 კურსის დასრულების შემდეგ, ყოველი მონაწილე მიიღებს საქართველოს განათლებისა და მეცნიერების მინისტრისა და საზაფხულო სკოლის განმახორციელებელი ორგანიზაციის მიერ დამოწმებულ სერტიფიკატს, რომლის ფორმა წინასწარ იქნება შეთანხმებული საქართველოს განათლებისა და მეცნიერების სამინისტროსთან.

4.8 საზაფხულო სკოლაში მონაწილე ყველა მოსწავლის მშობელი ან მეურვე ვალდებულია შეავსოს საქართველოს განათლებისა და მეცნიერების მინისტრის მიერ დამტკიცებული სპეციალური თანხმობის ფორმა საკონტაქტო ინფორმაციის, მოსწავლის დიეტის, ჯანმრთელობის მდგომარეობის, ან რაიმე სხვა სპეციალური მოთხოვნების შესახებ, რომელსაც დაადასტურებს ხელმოწერით.

4.9 საქართველოში ჩატარებული „სამეცნიერო საზაფხულო სკოლა საქართველოში“ მონაწილე (150) კონტიგენტიდან ტენდერის გზით შერჩეული მიმწოდებელი ორგანიზაციის მიერ შექმნილი კომისიის შეფასების საფუძველზე მოსწავლეები შეირჩევიან შვეიცარიაში და პოლონეთში სამეცნიერო საზაფხულო სკოლებში გასამგზავრებლად. აღნიშნული კომისია ვალდებულია წერილობით დაასაბუთოს თითოეული კანდიდატის შერჩევის მიზანშეწონილობა და დაადგინოს ცალკე 10 გამარჯვებული მოსწავლის სია, რომლებიც გაემგზავრებიან და მონაწილეობას მიიღებენ შვეიცარიაში, CERN-ში (ევროპის ბირთვული კვლევის ცენტრი) დაგეგმილ 5 დღიან ღონისძიებაში და 10 გამარჯვებული მოსწავლის სია, რომლებიც გაემგზავრებიან და მონაწილეობას მიიღებენ პოლონეთში დაგეგმილ ღონისძიებებში.

გამარჯვებული მოსწავლეების შერჩევის პროცესს მონიტორინგს გაუწევს საქართველოს განათლებისა და მეცნიერების სამინისტრო. მონაწილეების სიები დამტკიცდება საქართველოს განათლებისა და მეცნიერების მინისტრის ბრძანებით. მოსწავლეების შერჩევა მოხდება შემდეგი კრიტერიუმებით:

- მოსწავლის პროგრესი საგნობრივი მიმართულებით საზაფხულო სკოლის დასრულების შემდეგ: წარმატების პასპორტი: აღნიშნული პასპორტის მეშვეობით ყოველი პროგრამის ბოლოს გამოვლინდება 5 საუკეთესო პასპორტის მქონე, რომლებსაც ყველაზე მეტი ქულა ექნება მოპოვებული). (კითხვარი - ყოველი პლენარული სესიის და სექციებში მუშაობის შემდეგ მოსწავლეებს დაურიგდებათ მოკლე კითხვარი, რომლის მეშვეობითაც დაფიქსირდება, თუ რამდენად ჩართული იყო მოსწავლე ლექციაში და აითვისა ახსნილი მასალა:
- მოსწავლის მიერ გამოვლენილი სოციალური/ახალ გარემოსთან ადაპტაციის უნარი დახასიათება: (ყოველ მე-4 დღეს ლიდერი აკეთებს მოსწავლეების შესახებ მოკლე აღწერას, სადაც მიუთითებს მისი, დღის მეორე ნახევარში დაკვირვების შედეგს და ქმნის მოსწავლის ე.წ. ფსიქოლოგიურ პორტრეტს.

5. ანგარიშსწორების ფორმა და ვადები

5.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

5.2 ანგარიშსწორება მოხდება ეტაპობრივად, მხარეთა შორის გაფორმებული მიღება-ჩაბარების აქტის და კანონმდებლობით დადგენილი დოკუმენტაციის გაფორმების საფუძველზე.

5.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 10 სამუშაო დღის განმავლობაში.

6. შესყიდვის ობიექტის მიღება-ჩაბარების წესი

- 6.1 მომსახურება ჩაითვლება მიწოდებულად მხოლოდ კანონმდებლობით დადგენილი დოკუმენტაციის (მიღება-ჩაბარების აქტი, შესაბამისი ფინანსური დოკუმენტაცია) გაფორმების შემდეგ.
- 6.2 მიღება-ჩაბარების აქტის გაფორმების საფუძველია წინამდებარე ხელშეკრულების მე-9 მუხლით გათვალისწინებული კონტროლის განმახორციელებელი პირის დასკვნა.
- 6.3 შემსყიდველის მხრიდან მიღება-ჩაბარების აქტზე ხელს აწერს (დაზუსტდება ხელშეკრულების გაფორმებისას).

7. მომსახურების გაწევის ვადა და ადგილი

7.1 მომსახურება განხორციელდება საქართველოში

7.2 მომსახურების ვადა:

1-ელი ნაკადი: 2019 წლის 7 ივლისი - 20 ივლისი;

მე-2 ნაკადი: 2019 წლის 21 ივლისი - 3 აგვისტო.

8. მხარეთა უფლება-მოვალეობები

- 8.1 მიმწოდებელი პასუხისმგებელია გაწეული მომსახურების ხარისხსა და დროულობაზე.
- 8.2 მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.
- 8.3 შემსყიდველი ვალდებულია:
- 8.3.1 მიაწოდოს მიმწოდებელს საზაფხულო სკოლაში მონაწილე პირთა (მოსწავლეთა) სია, საკონტაქტო ინფორმაცია (პირი, ტელ. ნომერი და ელ.ფოსტის მისამართი)
- 8.3.2 უზრუნველყოს გაწეული მომსახურების ღირებულების ანაზღაურება ხელშეკრულებით გათვალისწინებულ ვადებში.
- 8.3.3 განახორციელოს ამ ხელშეკრულებით გათვალისწინებული სხვა ვალდებულებები.
- 8.4 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის კონტროლი.

9. ხელშეკრულების შესრულების კონტროლი

- 9.1 ხელშეკრულების შესრულების კონტროლს განახორციელებს საქართველოს განათლებისა და მეცნიერების სამინისტროს (დაზუსტდება ხელშეკრულების გაფორმებისას).
- 9.2 მომსახურების დასრულების შემდგომ (სრულად ან ეტაპობრივად) კონტროლის განმახორციელებელი პირი ადგენს აქტს ხელშეკრულების პირობების შესაბამისობასთან დაკავშირებით.
- 9.3 მიმწოდებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.
- 9.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულებით გათვალისწინებული ვალდებულებებისაგან.

10. ხელშეკრულების პირობების შეუსრულებლობა

- 10.1 ფორს-მაჟორული პირობების გარდა, შემსყიდველი უფლებამოსილია ხელშეკრულებით ნაკისრი ვალდებულების დაგვიანებით შესრულების შემთხვევაში, დააკისროს მიმწოდებელს პირგასამტეხლო ყოველ ვადაგადაცილებულ დღეზე გაუწეველი მომსახურების ღირებულების 0,2%-ის ოდენობით.
- 10.2 მიმწოდებლის მიერ ხელშეკრულებით ნაკისრი ვალდებულების არაჯეროვანი შესრულების შემთხვევაში მას დაეკისრება პირგასამტეხლოს გადახდა ხელშეკრულების ღირებულების 5%-ის ოდენობით.
- 10.3 მიმწოდებლის მიერ ხელშეკრულებით ნაკისრი ვალდებულების შეუსრულებლობის შემთხვევაში მას დაეკისრება პირგასამტეხლოს გადახდა ხელშეკრულების ღირებულების 5%-ის ოდენობით.
- 10.4 იმ შემთხვევაში, თუ მიმწოდებლისათვის დაკისრებული პირგასამტეხლო გადააჭარბებს ხელშეკრულების ღირებულების 10%-ს, შემსყიდველი იტოვებს უფლებას ცალმხრივად შეწყვიტოს ხელშეკრულება და ასევე, გამოიყენოს ამ მუხლის 10.2 პუნქტით გათვალისწინებული პირობები.
- 10.4 იმ შემთხვევაში, თუ მიმწოდებელი დროზე ადრე მოითხოვს ხელშეკრულების შეწყვეტას აღნიშნული განიხილება, როგორც ხელშეკრულების არაჯეროვანი შესრულება და ასეთ შემთხვევაში შემსყიდველი უფლებამოსილია გამოიყენოს ამ მუხლის 10.2 პუნქტით გათვალისწინებული პირობები.
- 10.5 დაკისრებული პირგასამტეხლო გადახდილ უნდა იქნას მხარისათვის აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 თვის ვადისა.

10.6 ამ მუხლის არცერთი პუნქტი არ ათავისუფლებს მიმწოდებელს ხელშეკრულებით გათვალისწინებული ვალდებულებებისაგან.

11. ხელშეკრულებაში ცვლილებების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.5 მხარე ვალდებულია არანაკლებ 1 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს ამ ხელშეკრულების 10.4 პუნქტით გათვალისწინებულ გადაწყვეტილების მიღების განზრახვის შესახებ.

11.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. დაუძლეველი ძალა

მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

13. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

14. ინტერესთა კონფლიქტი

“სახელმწიფო შესყიდვების შესახებ” საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმოწერი და კონტროლის განმახორციელებელი პირები სრულად აკმაყოფილებენ კანონის ამ მოთხოვნას და არ იმყოფებიან ინტერესთა კონფლიქტში მიმწოდებელთან.

15. ხელშეკრულების მოქმედების ვადა

ხელშეკრულება ძალაში შედის მისი ხელმოწერის დღიდან და მოქმედებს 2019 წლის 10 სექტემბრის ჩათვლით, მხარეთა მიერ ვალდებულებების სრულ შესრულებამდე.

16. დასკვნითი დებულებები

16.1 ხელშეკრულება და მასთან დაკავშირებული ყველა დოკუმენტაცია, რომლებიც გაიცვლება მხარეთა შორის ფორმდება ქართულ ენაზე.

16.2 ხელშეკრულება შედგენილია სამი თანაბარი იურიდიული ძალის მქონე ეგზემპლარად, რომელთაგან ორი რჩება შემსყიდველს, ერთი – მიმწოდებელს.

მხარეთა რეკვიზიტები:

შემსყიდველი:

მიმწოდ

